



Les 2 fu 11 Oktober 2025



ONFERWAKTI KENADE




“Di a bribi, a huru
Rahab no dede
nanga den di no
ben bribi, di a teki
den dalaman na en,
nanga freide.”

(Hebrei 11:31)

Den sma fu Kanan, ben psa a marki fu kenade. Fu dati a komandi fu Israel ben de : go, kiri den ala,dan teki ala sani fu den.

Toku,sma ben de ini Kanan, di no ben psa a marki disi. Den ala den ben wani fu teki a kenade fu Gado, di a ben wani gi den,no ben abi fu de ini a lasi disi.



Kenade fu a folku fu Israel. (Yoswa 2:1,22-24):

→ Tweide okasi.



Kenade gi Rahab. (Yoswa 2:2-21):

→ A bribi fu wan mostert siri.

→ A ferbontu di Rahab kisi.



Kenade gi den sma fu Gibion.(Yoswa 9):

→ Den takiman di kori den.

→ Blesi nanga fruku.

KENADE GI A PIPEL FU ISRAEL (Yoswa 2: 1,23,24)



TWEIDE OKASI

**"Dan Yoswa a boi fu Nun, baka baka a seni tu dalaman na Sitim." Go luku a kondre fa a sdon,"
spesrutu Yerigo" (Yoswa 2:1a)**

Di Moses seni dalaman fu luku Kanan, a pipel no ben wani go na ini. Fotenti yari na baka, den seni nyun dalaman di gi wan tra tori.

Dalaman

Kondre sabi (12 dalaman)

Baka baka (2 dalaman)

Fa den dalaman tya den srefi

40 dei fu ondrosuku

3 dei fu kibri



A tori fu den dalaman

Den meki a folku broko saka

Den meki Yoswa kisi dek ati

Ala di a nyun "folku" ben fadon hebi ini a tesi fu Biliam, Gado gi den wan tweide okasi. (Nom. 25:1-3,31-16; Yoswa 2:1).

Now no wan tros droifi no ben de, no wan froktu fu a kondre. Soso wan tori fu bribi.(fu Rahab), di gi Israel dekati fu teki a kondre abra di ben pramisi den.








KENADE GI RAHAB (YOSWA 2:2-21)



A BRIBI LEKI WAN MOSTERT SIRI

"Ini bribi a huru Rahab, bika a gi den dalaman wan swit kon na ini, den no kiri en makandra nanga den di no arki." (Hebrei 11:31)



Sainde Rahab ben bribi (Yoswa 2:9-11)?

Marki dati Rahab ben taki abra sani di ala sma ben sabi, soleki a psa fu a Redi Se. Ma pe trawan ben e frede a Gado fu den Hebrei, en go kibri ondro en frei(Yoswa 2:12,13).

Sainde, di a ben e bribi Gado, a taki wan lei fu yepi den dalaman?

A yongu bribi fu en no ben de so, dati a ben ferstan ala san Gado ben wani. A du fa a ben man fu yepi den dalaman, fu ferlusu en libi nanga di fu en famiri. A koni ben sa kon na baka.

A Wortu taki dati a besroiti fu en ben bun; fu san a ben ferstan, fa Gado e wroko. Dan a tranga den wortu fu en nanga en du. (Yokobes 2:25).

Rahab na wan eksemple fu san ben sa psa efu Yerigo ben gi ensrefi abra na Gado.

A FERBONTU DI RAHAB KISI


"Efu wan fu den kmoto na yu oso go na strati, den brudu sa de na den eigi ede tapu ; a no wi frantwortu. Fu den di de ini yu oso nanga yu, den brudu sa de na wi ede tapu, efu wan anu fasi den."
(Yoswa 2:19 NVI)

A denki fu Rahab ben de krin, yu no ben man feti nanga a denki: Mi wroko switi (hesed) nanga yu, mi puru yu na nowtu; now na yu musu wroko switi nanga me , fu puru mi nanga mi famiri na nowtu . (Yoswa 2:12,13).



Ala di a no ben sabi , Rahab ben aksi Israel fu du nanga en , fa Gado srefi ben du nanga Israel, sobu sori den wan switi fasi [hesed]
(Deut.7:12).

Den dalaman, aksi Rahab fu du a srefi fasi di den ben du di den ben long kmoto fu dede na Egepti. Sofasi , a ben de ini a ferbontu fu Gado nanga Israel.



Israel ini Paska

Den ben musu blesi den postu nanga brudu.
(Eks. 12:17)

Efu den ben gwe fu oso, den dede.(Eks.12:13)

Rahab ini Yerigo

A ben musu poti wan redi tetei na a fensre.
(Yoswa 2:18)

Efu a libi a oso gwe, a dede.(Yoswa 2:19)




KENADE GI DEN GIBION SMA (YOSWA 9)



DYOTE TAKIMAN

"Dan den go na Yoswa ini a kampu na Gilgal. Den taigi en nanga den Isralit," We kmoto na wan bun fara kondre, meki wan ferbontu nanga wi." (Yoswa 9:6)

Marki den difrenti nanga san de a srefi fu Rahab nanga den sma fu Gibeon:



Marki fu bribi	Rahab	Sma fu Gibeon
Fundamenti	Arki (2:10)	Arki (9:3)
San den ben abi	Lei (2:4-5)	Lei (9:4)
Marki	Fu abi kibripresi (2:13)	Fu abi kibripresi (9:24)
San den kisi wante-wante	Ferlusu (6:23)	Ferlusu (9:26)
San den kisi baka ten	Kondreman fu tru (6:25)	Dini (9:27)

So a lei kmoto na ini Rahab mofo, fu fri den dalaman. Toku , den sma fu Gibeon lei fri , fu dyote, den gebroiki wortu fu hori sma na spotu, (Gein. 3:1a) Moro fara , den edeman fu Israel no aksi Gado rai. (Yoswa 9:14).

Disi poti den na problema: figi den sma fu Gibeon puru, noso respekti a sweri.(Yoswa 9:18).



BLESI NANGA FRUKU

"Now yu de ondro wan fruku: Noiti yu sa de fri fu dini, fu koti udu,e'n fu tyari watra go na oso fu mi Gado." (Yoswa 9:23)

Di den no kiri den sma fu Gibeon, ben de a srefi fu poti a kebot fu Gado na wan sei.(Deut.7:1,2) Ma broko a sweri di den ben meki ,owktu ben de wan sondu. (Yoswa 9:19;Singi 15:4b) Fa fu kmoto ini a tai disi?

Den no kiri den, ma poti den ondro wan fruku.(Yoswa 9;20-23) A fruku ben de dati den ben sa de knekti fu pikin go miti pikin. Disi ben tai den skin skin nanga a folku fu Gado, pe den noiti kmoto ini.(Nehemia 7:6,25).

Moro fara, a tyari fu a watra nanga a koti fu a udu fu a oso fu Gado, tyari den ten na ten fu de nanga Gado. Nanga a kenade fu Gado, a fruku tron wan blesi." Mi no abi prisiri ini a dede fu takru sma, ma a moro betre efu den drai den pasi, dati den kan libi." (Esekiel 33:11).



“Den pikin fu Israel ben musu teki ala den presi di Gado ben sori den fu teki. Den folku di poti a anbegi nanga a dini fu a tru Gado na wan sei,ben musu lasi den presi. Ma san Gado ben wani ,dati te den ben si a maniri fu Gado,tangi fu Israel, A ben sa hari dma kon na En. Heri grontapu ben musu kisi a aksi , [...]. Ala sma , soleki Rahab fu Kanan, nanga Ruth fu Moab, drai den baka gi afkodrei, fu dini a tru Gado, ben musu kon makandra nanga a folku di En ben teki.”